



“I te cherdì con to ennom” dij le Signur.

La ploania d'La Pli tol sō con ligreza te sōa comunité **Alex Willeit** (La Pli) y ti fej les miús aodanzas ai geniturs Max y Cristina: Idio, la Oma dal Ci y la Sant Patron acompagneii Osc mōt con sōa benedisciun y proteziun.

- **Iolan y Dio s'al páii de Osta oferta ai Trei Resc: 5.818,00 €.** Iolan ai mituns y ales mitans y a dūc chi co á colaoré pa l'aziun dai 3 Resc. En ringraziamont ales families co á tut sō i Resc tles ciases y a dūc chi co á fat val' atra oferta (marenes, arjigne sō les steres, laé i guanc y ater)!
- **Joneza da Paur:** la Joneza da Paur envieia a n curs de paslunch, en **sabeda ai 21 de iener**, dales 13:00 ales 17:00, a Al Plan. Prenotaziuns y informaziuns cina ai 15 de iener pa Michael, ☎ 347 6772605.

Iscriziuns ala scolina y ala scora por l'ann 2017/18

Scolina: les iscriziuns ven tutes sō te scolina a La Pli en **lönesc ai 16 dales 9:00 ales 11:00 y en dedolönesc ai 17 de iener** dales 14:00 ales 15:30. Dūc i mituns y dōtes les mitans nasciūs/nasciüdes dal 01.01.2012 cina ai 28.02.2015 pó se scrí ete. Preitambel se tó do le codesc fiscal dal mōt/dla mōta.

Scora: les iscriziuns ala prōma classa dla scora elementara ven tutes sō te scora en **lönesc ai 23 de iener**, dales 14:45 ales 15:45. I mituns/les mitans co compless i 6 agn anter i 31.12.2017 **mess**, i mituns y les mitans co compless i 6 agn danter le 01.01.2018 y i 30.04.2018 **pó pié ia** a scora de setember 2017.



enformaziuns y termins

Patrozinio de Sant'Antone Abat a Antermeia en dedolönesc ai 17 de iener: ales **9:30 gran messa** en onú dal Sant; dedò sarál l'ocajiu da s'la cunté pa n goto de vin cōt o de tē. Dales 14:00 ennant gnarál tigní le tradicional Batadú de Sant Antone tal Salf dles Uniuns. Al ne gnará nia ma carté mo al sará ince la poscibilité da davagné de bi pesc con na ola dla fortuna y con d'atri jūc. Dūc é bel enviés.

Grup Atmosfera: en jōbia ai 19 de iener, ales 15:30, s'encunta endō te Raiun Sozial a Piculin le grup de temp lede por eres y ei atochés da problems psychics. An deponjará sōn seda le cader motü man dan Nadé. Informaziuns pa Sabine Rainer, ☎ 0474 524519. Dūc/dōtes é der bel enviés/ades.

Dōt le bun a:	Agnese Taibon ved. Erlacher	17.01.1922
	Maria Teresa Pedevilla Ellemunter	18.01.1932
	Sr. Edith, Anna Erlacher, <i>Balsan</i>	19.01.1922
	Agnese Terza	21.01.1931
	y a dūc chi co á santennom y compless i agn cōst'edema	

Impressum: Ploania d'La Pli; redaziun Franz Rigo y Edith Willeit
cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: **Signor Heinrich Perathoner**
E-mail: ploania@gmx.net

Calogna Al Plan: **0474 501006**
Radio de Ploania: **93,00 MHz**



VAL BADIA
www.unitepastorala.org

Ann A

15.01.2017 - 2. domegna ia por l'ann

n. 8

Ciaréde l'Agnel de Dio


Is 49, 3,5-6 | 1 Cor 1, 1-3 | Jan 1, 29-34

Dal Vangelo do San Jan:

Te chel tomp²⁹ á Jan Batista odü le Signur co ti gnea pormez y al á dit: Ciaréde, l'Agnel de Dio, co tol demez le picé dal monn. ³⁰El é chel, de chel ch'i á dit: Do da me vegnel n el co m'é danfora, deach'al ea dan da me. ³¹Ince iu ne le conescea nia; mo i sun gnü y i baceii con ega, por ti al fá conescea a Ísrael. ³²Y Jan á testimonié: I á odü le Spirit gnenn jō dal ci desco na colomba y stenn sōn el. ³³Ince iu ne le conescea nia; mo el, co m'á mené a bacé con ega, m'á dit: Sōn chel che t'odaras gnenn jō le Spirit y sōn chel ch'al stá, chel édl co bacieia con Spirit Sant. ³⁴Cōsc ái odü, y i testimonieii: El é le Fi de Dio.

I ponsun do

Por mostré sō la presenza de Chelbeldio te cōsc monn ôl ester testimoni: porsones co cunta ci che Chelbeldio á fat, co reconesc Gejú, le Fi de Dio y se mostra i fostüs dal Signur amesa nos. Jan á por pröm mostré sōn Gejú Crist. Cōsc so laur n'é nia roé: aldedancō messunse nos cristiagn le tó sō.



El é le Fi de Dio.

Jan 1, 34

I periun

Dio onipotent, te deplü manieres aste mostré ala jont töa vijinanza. Deidesse descurí tla dljia y tal monn i fostüs de tōes operes. Por Gejú Crist, nosc Signur.

Wilhelm Egger "Sonntagsbibel"

Letōres dla 3. domegna ia por l'ann:

Is 8, 23b – 9, 3 | 1 Cor 1, 10–13.17 | Mt 4, 12–23

Edema liturgica dai 15.01. ai 22.01.2017

DOM 15.	2. domegna ia por l'ann	<i>Romedius da Thaur,</i>
	Domegna dla Bibia de mondial dai migranc	<i>Arnold Jansen, Maurus</i>
08:30	gran messa por dōta la ploania	<i>oferta por i debojūgns dla ploania</i>
14:00	funziun dal Bato de Alex Willeit, La Pli	
10 y 18	<i>s.m. a Al Plan</i>	
Lön 16.	<i>Teobald, Marzelin, Ulrich</i>	
07:30	<i>s.m. a Al Plan</i>	
Ded 17.	<i>Antone abat (dai tiers), Beatrix, Iulian</i>	
07:30	s.m. por + Emma Ellecosta ved. Frontull, Bastl	
	s.m. por + Maria Ellecosta ved. Erardi, Marô	
Dem 18.	<i>al met man l'edema d'oraziun por l'unité dai cristians (18. - 25.)</i>	<i>Regina,</i>
	"L'amore di Cristo ci spinge verso la riconciliazione"	<i>Prisca</i>
18:00	<i>s.m. a Al Plan</i>	
Jöb 19.	<i>Marius y 3 compagns, Heinrich</i>	
19:30	s.m. d'aniversar por + signor Matio Rigo	
	s.m. d'aniversar por + Frieda Ritsch, Tomele da Rara	
Ven 20.	<i>Fabian, Bostian, Elisabeta, Ursula</i>	
07:10	<i>s.m. a Al Plan</i>	
Sab 21.	<i>Sabeda de Santa Maria Agnes, Ines, Meinrad</i>	
18:00	<i>s.m. prefestia a Al Plan</i>	
19:30	s.m. prefestia por +ti Germano y Maria Frontull, Mareo	
	s.m. por ti Clara y Canzio Willeit, Laronz	
	s.m. por + Paola Kehrer Moroder, Urtijej	
DOM 22.	3. domegna ia por l'ann	<i>Vinzenz, Walter, Teodolinda</i>
08:30	gran messa por dōta la ploania	<i>oferta por i debojūgns dla ploania</i>
10 y 18	<i>s.m. a Al Plan</i>	
<i>ampola:</i>	por na familia	
<i>ministronc:</i>	▶ da doman y domegna: Lucia Burchia y Angela Santolini ▶ da sera y domegna: Armin Taibon y Ivan Trebo	
<i>i recordun:</i>	Anna Mühlmann Ploner Emilio Feichter, Ehrenburg Frieda Ritsch Signor Matio Rigo	+ 15.01.2007 + 15.01.2007 + 16.01.2011 + 18.01.2009

15.1.2017 Domegna dla Bibia

Al é porsones co n'adora nia la Sacra Scritōra, mo iu l'adori por capí da olach'i vegni adalersch y da che ch'i pó cialé confort. I l'adori por avei tal monn n funz sot i pîsc, por sei ch'al n'é önn sora de me y ch'al á val' da mo dí y por sei ince olá che mio iade se rōa. (*Sonntagsblatt*)

18. - 25.1.2017 Edema d'oraziun por l'unité dai Cristians

I periun por dūc i fredesc y les sorūs co crei te Gejú Crist: le Signur Idio i meni sōle tru dla verité che ai rōi adöm tla unité dla Santa Dlijia.

Dio onipotent y etern, tö su es bun da superé la devijiun y da condü endô adöm chi co é despartís. Ciara con misericordia sön tü cristians co é santifichés tal medemo Bato. Unesci tla derta fede y lieii adöm con to amur. De cōsc te periunse, por Gejú Crit, nosc Signur.
da les Gran Supliches dal Vendres Sanc

La pordica dla munt – le discurs dla derta iustizia, Mt 5, 1 – 7, 29

Tal vangelo dles proscimes domegnes aldiarunse önn dai gragn discursc de Gejú che Mateo á scrit sö te so Vangelo: la pordica dla munt ("Il discorso della montagna", "Die Bergpredigt").

Con na definiziun fata, mo porchel der tlera, pón dí che la pordica sön la munt é la "magna charta" dal Nö Testamont, deache ara nes mostra sö so contegnü, söes carateristiches, söa natōra.

Mateo condüj söa comunité sön la munt de Cafarnao por ti lascé aldí l'ensegnamont de Gejú. Desco te d'atres perts de so Vangelo adora Mateo ince atló le present por dé da capí che Gejú n'á nia ma baié dan da n gröm de tomp ("te chel tomp"), mo che al baia ince encō al cōr de söa dljia.

La munt dles beatitudines (tla Galilea) porta ala memoria la munt dal Sinai (dalunc milesc de chilometri). Por Mateo s'entreceia les döes munts, ares ven motüdes ensoralater por diventé na munt sora: la munt dla relevaziun, la manifestaziun solena de Gejú Crist con söa lege nea, co ne tól nia jō la vedla, mo co la met te na lōm nea: "I ne sun nia gnü por tō jō, mo por completé".

Le "discurs dla derta iustizia" n'é nia na descriziun de n comportamont de en per d'ores o de val momont, mo ares é n apel a n comportamont de basa co mess jí ennant na vita entiera y tō ete dūc.

La pordica dla munt é n discurs total y radical, les beatitudines ne mostra nia sö aziuns limitades, mo comportamonc globai, deplen y tresfora. Papa Benedet les á definides "program y cherta d'identité dal cristian".

Avisa amesa la discurs dla munt nes ensegna Gejú a perié (*Mt 6, 5-15*). Gejú nes met a cōr l'emportanza de n liam con Chelbeldio t'oraziun y al nes dij che tal Patenoster podunse (y désson) perié le Pere dal Ci do l'aiüt y la forza por vire do so ensegnamont. Perié y fá (ora et labora) alda adöm, deache chel co fej l'esperianza da encunté t'oraziun Chelbeldio, chel sará bun da odei tles porsones sū fredesc y söes sorus.

Tla plata dla ploania proarunse da cunté ai mituns le contegnü de cōstes plates dal vangelo co nes mostra sö les regoles d'or por nosc ester cristiagn y por fá nosta pert che al "vegnes so Regn".